





























THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637  
U.S.A.



85-16.76.

R 55 / 825



TR



# Dominica. xiiij. post octa.

Pentecostes.



**S** wir zum Euangelio greiffen/ wollen wir ein wenig handeln vom heutigē fest des heyligen Creützs/ vmb des willenn/ das ein grosser mißbrauch von dem heyligen Creütz entsprungē ist. Man heysst das fest die erhebung des heyligen Creützs/ vnd ist da her kommen/ das der keyser Heraclius das kreütz in seinem panier führt/ da er den künig vß Persia überwand/ vnd mit grosser bracht hyn heym zoch/ vnd den sig dem heyligen Creütz zuschreib. Derhalben das fest also eingesetzt ist worden. Nun wie jr wißt/ das in allen stucken die gott angeen/ yemertzū der böß geyst hat wollen gott nach äffen/ vnd auch nach thun/ das nichts ist so groß dem teüfel/ hat es auch wollen nach thun/ vnd die leüt also von dem rechten weg ziehen/ vff mißbrauch vñ narzheit/ das sehen wir an seinem heyligen Creütz/ auch an seinen lieben heyligen/ ja auch an seinē heyligen namen/ wie jr dan wißt das vns gott gebotten hatt die heyligen zū eren/ da hatt vns der teüfel eingeplerz gemacht/ vnd die augen empor gehalten/ das wir vff die todten gefallen seind/ vnd haben der lebendigē vergessen. Nun wollen wir zum ersten ansehen die mißbreüch die darauff erfolgt sind/ darnach auch ein wenig von dē rechtē brauch sagen. Zum ersten. Christus hat sein creütz getragen/ dz ist/ das holz darauff er gestorben ist/ für all vnser sünd. Das creütz das er getragen hat/ das ist vns nit besolhē zū tragen/ es wirt auch nit grosse belonung habē so mans gleich tregt/ sonder vnser creütz wie er selber sagt/ Mat. xvi. Wer mir wil nachfolgen/ der sehe das er sein creütz vff sich nem/ vnd folge mir nach. Darüb ist das der erst

Uo dē fest  
der hebung  
des creutz

wie d teufel  
gott  
nach aff.



# Martinus Luther.

mißbrauch  
des cruzis

mißbrauch/ das man dem holz/da gott an gehängen  
hat/kirchen stift. Wie dan alhie das stift vff die dornē  
kron gestift ist. Vnd seind dahyn gewendt vil zins vnd  
rendt. Nun das mans auch wolt mit füssen drettē/ das  
wer nit güt. Das mans eret ist wol feyn/ aber das man  
darauff fallen will/ darauff kirchen stiftē/ vnd das recht  
darnebē nachlassen/ das ist nit recht/ da ist d̄ mißbrauch  
daher ist kummen/ das wo man hat ein stücklin können  
überkummen/ da ist vil silber vnd goldt zugeflogen/ da  
hat man im kirchen gestift/ vnd darnebē die armen leide  
lassen sitzen/ da seind die ablaß narren herkummen die Bi  
schöff/ vnd haben ablaß dartzū geben/ das sie dē volck  
das Maul vffsperreten/ das sie zūlieffen. Da kumen dan  
die wallfarten her. Da hatt dan gott sein gnad auch zū  
geben/ das man etwan von einē galgen ein spon gehau  
wen/ vnd für d̄ heylig Creutz angebet/ dan es seind der  
stück in der welt so vil/ das man ein hauß darvon bau  
wen kündt/ wan man sie alle hett/ gleich wie sanet Barb  
len haubt so an vil enden ist/ das/ wen mans rechnet/ so  
hat sie wol sibē haubt gehebt/ da man dan mit orglen/  
singen/ leren/ pfeiffen/ ein solch wesen angericht/ das kein  
maß hat. So hat vns gott geblendt/ dan wie wir in sū  
chen/ so sindt er vns wider. Narren wöllē wir sein/ so laßt  
er vns auch narren. Also wirt erfüllet d̄ spruch Pauli. ij.  
Thessa. ij. Dieweyl sie die liebe der warheit nit haben  
angenommen/ damit sie selig würden/ wirt in gott zūfü  
gen krefftigen yrthumb/ vff das sie glauben an die luge  
die da nit wolten glauben der warheit/ sonder verwillig  
ten der vngerechtigkeit. Das ist eben eingangen/ dan  
wann man prediget/ man soll den armen helfen/ wer es  
bedarff/ es sey an leib/ weyb/ kind/ vnd gesynd/ das ist

S. Barb  
len haubt.



## vom heyltumb.

zū ein or eingangen/zū in andern heraus. Also da got-  
tes gebott hyn dringē/gottes augē hyn sehen/ sein werck  
hyn sūren/das lassen wir ligen/darumb plagt vns auch  
gott/dz wir müssen lügen annemen/gözen dienen/stein  
vnd holtz anbetten/ dieweyl wir ihens nitt achten/ wie  
Paulus sagt. ij. Timo. iij. Es würt ein zeyt kummen/  
da sie die gesunde leer nit mögen erleiden/sonder werdē  
sūchen prediger/ die in die oren raumen. Vnd werden  
ire oren von der warheit abwenden zū den mārlin. Dar-  
umb merck das/ das der erst mißbrauch sey/ das man  
das holtz also schmuckt. Vnd denck das du vil meer  
thūst/so du armen leuten zehen pfennig gebst/ wān das  
du hieher zwentzig gebst. Dān gott leidet nit macht dran  
so du es schon nit eüsserlich schmuckest. Ja wann man  
schon gleich keins hett/sond wān du es im hertzen tregst  
darūb wöltich das kein dōrnē kron/ ja kein heylig creütz  
ye herfür kummen were/ dann da fallen sie hyn/ vnd  
schmuckens mit goldt vnd silber/ vnd lassen die armen  
leit darneben sitzē/ darūb wān mir ein stuck geschenckt  
würt/ ja wānes in meiner handt stünd/ich wölt es bald  
dahyn thūn/ das es die Sonn nitt vil bescheinen solt.  
Allein darumb das der mensch so gantz seer geneygt ist  
vff die mißbreüch/ vnd also hynein plumpt/dartzū gibt  
vnd die armen versenckt. Nūn was ich von dem heyli-  
gen Creütz gesagt hab/ das will ich gesagt haben von al-  
lem heyltumb/ dān heyltumb ist nichts anders dān ver-  
sūrung der glaubigen/darumb yemer mit vnder die er-  
den. Davon hatt auch geschriben Vigilantius/ wider  
den hatt sich hart gelegt Hieronymus/ das ich wölt er  
hett es nachgelassen. Vnd wann Vigilantius bñch vor-  
handen were/ wie Hieronymus/ ich halt er würde vil

Heylūb.

Hierony-  
mus wid-  
Vigilantiū



# Martinus Luther.

Christlicher daruō geschriben habē dan Hieronymus.  
Es ist wol war/es ist heylig der heyligenn gebeyn/ aber  
darauff zūfallen/ vnd den nechsten verachtē/ das ist vn-  
christlicher handel/darūb das die mißbreüch dahinden  
bleiben/vnd die werck d̄ liebe hersür gangen/so wölt ich  
das es vnder der erden lege. Ey kan man nitt vns ein-  
mal die Blindtheit vß den augen nemen/das wir ein vn-  
derscheyd machtē/welchs besser wer/der arm ist da/ da  
lebt gottes wort in/leib vñ seel ist beyeinander/ist das le-  
bendige heyltumb/den verlaßt man/ vnd laufft dahyn  
vnd übergüldt ein todtenbeyn. Ach wie blind seind wir  
vnd vnsynnig/ das wir das hohe heyltumb oes Euan-  
geli also verachten/dan was kan sanct Peter meer habē  
wan ich vnd du? Er mag wol meer gaben haben/ vnd  
krefftiger werck gethon/aber den glauben den er hat/ ist  
gleich so in Christū gericht/als vnser/ hat eben den Chri-  
stum/ eben den geyst den wir haben/ so wir glauben/ ey  
warumb wil ich den vergeben einem andern. Darum  
merckt man das/das man allen geplerz vnd eer dertod-  
ten hynlegen/achte wie ertz/vnd die eer die man dē nech-  
sten thut/scherze wie goldt vñ edel gestein/vnd ye armer  
er ist/ye meer du solt helffen. Nun kündt jr wol mercken  
was jr solt halten von klöstern/ die künen her vnd ma-  
chen das geplerz/vnd sperren den leüten die augē vff/ir  
dem/der Franciscū/der ander Augustinū/der dritt Bene-  
dictū hoch vßwürfft/daruon doch vns nichts besolhen  
ist. Darnach ist noch ein ander mißbrauch künē durch  
Thomā aquinatem/dem man die tauben ins oz malet/  
ja ich meyn es sey ein junger teüfel geweest/das man sol  
anbetten/ vnd hat grosse klügheit sūrgeben mit Dulia/  
Hyperdulia/der sagt man solls anbetten/aber doch so

Lebendig  
heyltumb

Kloster  
affen.

Thomas  
Aquinas.



## vom heyltumb:

ferz/das man zūsamē knüpf/ den der im himel ist/ mitt dem das der maler gemalt hat/ ja knüpf/ auch an den teüfel/ vñ bett in auch an/ wörtlin seinds/ damit man die leüt vmbfür/ dan wie kan ein gemeyn man hynzü kumen/ das er also/ Per relationes/ also hynauffziehe vnd knüpf. xxx. dian/ es ist nit möglich/ darüb solt man die ergernüß alle vß dem weg thun/ vnd allein den blossen glauben leren/ darüb wölt ich das mā alle Creütz vmbstürtzet/ die also geschwitzt haben vñ geblüt/ damit dan die wallfarten vnd das geplerz vffkümen ist/ das dasolchen grossen yrthumb vñd misbreüch gemacht hatt. Nun wollen wir die recht erfindung vnd erhebung des heyligē Creützs auch sūchē. Nun Christus hat besolhē das yeglicher sein eygen Creütz soll erfinden vnd erheben/ wie er seins erfunden hat/ das soltu heyligen/ wie er seins geheyliget hat/ mit fleysch vnd blüt. Was findstus aber: du darffst nit ein spaden in die handt nemen vnd tieff graben/ nit reytē gen Hierusalem/ sonder erfindē ist erkantnüß/ wañ mir gott ein vnglück zūschickt/ es sey krankheit/ schaden am leib vnd güt/ durch böß leüt/ da grab das du findest/ findē ist erkennē/ wañ du das weyst das dir gott hat zūgefügt/ so hastu sunden mit dem hertzen/ an dem erfinden leyt gott meer/ dan wañ mans daher drückt vff Adamanten/ Schmaragden. Nun das Creütz ist das/ das es zūm ersten sey ein leiden/ vnd ihū wee/ darnach mit schmach vñd schanden vor vns/ als dann Christus leiden/ das was mit grosser schmach eit/ es kund es nyemāt preisen/ ja yederman sagt/ er helff in nū selbs/ das ist ein war creütz/ da legt er nit ein yeglichen vffs creütz/ wañ ich da stee vnd leide/ vnd hab die mich schmucken vñ schmāhen/ dz ist ein schlecht creütz//

Das recht  
creutz.



# Martinus Luther

sonder wañ ich da stee vnd leid/vnd alle leüt dartzü sin-  
gen/springen/vnnd sagen/dem ist recht geschehen/ja er  
hett noch wol meer verdient/wie de Aposteln ist gesche-  
hen/da geen die rechte stürm im psalm her/Psal. xxviii.  
Hertz sich mich an/vnd erbarm dich mein/dañ ich bin  
dürffrig vnd einig. Item. ciiij. Ich sach zü der rechten  
handt/da was nyemāt der vff mich sahe/mein flucht ist  
von mir geflohen. Das ist das recht creütz/darüb seind  
es wol leiden/vff arbeyt ligen vnnd kranck sein/ aber es  
seind nit das recht creütz/dañ das recht creütz müß mit  
im eingeschlossen haben schmach vñ spott mit dem lei-  
den/das leyt tieff drin/das grebt man heraus allein mit  
dem hertzē/das findt man aber wañ man erkennet/ das  
es gott vffgelegt hat/als wañ der Papsst züsir vnd ver-  
dampt/verbreñt die rechten Christen/ wie er dan schon  
anhebt/als weren sie des teüfels eygen/ vnd die gantze  
welt felt dartzü/vnd spricht/im sey recht geschehen/ gott  
sey mit in/der teüfel mit vns/ das würt dan gott vmb-  
wenden vnnd sagen/ir seyt recht/die seind vnrecht/das  
sicht nün das fleysch vnd blüt nit/der geyst sichts/der er-  
kent das recht sey/vnd wañ gleich die gantze welt spott/  
höner vnd vnrecht geb/das seind heylige geyster vnnd  
tieff erleucht/das creütz erkennen vnd tragen/ der seind  
wenig/ darumb heysst das creütz erfinden im hertzen/  
das das schandē bild der welt über vns gee/das wir an-  
heben vnd singen die liedlin im psalm. Ich bin allein.  
Das beschach auch Christo/ dan weyl er lebt/ da stünd  
alle welt wider in/aber als bald da er gestorben was/da  
wandt sich alles vmb/vnd zeygte sein vnschuld **S**onn  
vñ **M**on/vñ alle creatur/ das auch d' Centurio sprach.  
Der ist warlich gotts sün geweest. Darnach folgt die er

wañ man  
das heylig  
crütz findt



## vom heyltumb.

hebung des Creützs/wan es nün fundē ist/das mans er<sup>Erhebūg</sup>  
hebt/nit wie Heracius/oder die stationarij/die mit kre<sup>des creütz</sup>  
sen/sonder erkennen im hertzen/das gott hatt vß gnedi/  
gem willen vffgelegt/vnd vnbillich tragen/vnnd gott  
darumb danckē vnd preisen. Cognitio inuenit/affectus  
exaltat/das du benedeyest vnd lobst gott im creütz/das  
geet gar heymlich zū/das sich yemant dan gott allein al  
so erhebe. Wie Heracius 8 da heüt mit grosser bracht  
gegen Jerusale ist eingeritten/das ist nichts/sonder wen  
du es allein thüst vor gott/das nyemant sicht/wie Paul  
lus der da gott lobt vnnd preiset im kercker mitt Sila/  
Act. xvij. vnd die Aposteln die da gott danckten vnnd  
preiseren/das sie waren würdig worden vmb gottes na  
men zū leidē/das geet nit eüsserlich zū/sonder innerlich/  
das eüsserlich gibt gelt(als Station) das innerlich prei  
set gott vn schmuckt den himel/darüb ist das das recht  
heylig creütz erfunden vnd erhaben/wann du es erkenst  
vnd bist im glauben vnd danckst gott/das er dirs hatt  
vffgelegt/so heyligests mit dē hertze/ wie Christus seins  
geheyliget hat. Christus blüt vnd leiden hat dich geheyl  
igt/so ferstu zū/vnnd heyligst mit deinem hertzen dein  
creütz/also wan du den willig vnd freüntlich annimpst/  
was dir gott züfügt/damitt geschicht es/das das ver/  
schmähest hie vfferdē gewest ist/dz höchst sey vor gott/  
vnd gerecht vnd gleich/wie Christo seins/das war auch  
zū eren züm erstē/als yetzund/es gieng zū gleich/wie/als  
wan man einen an den liechten galgen henckt vnd rad/  
brecht/doch ist es yetzund dahyn kummen/das es eytel  
er ist/vnd alle schand vergessen/also auch yetzund vn  
ser creütz/weyl wir noch drin stecken/ist wol schentlicher  
wan das rad vnd galgen/aber wan mans also im glau



## B. Martinus Lut.

ben getragen hatt/so würt es also köstlich/ wie yezunde Christus creütz ist/wie seins yezund offenbar ist/ so wirt vnfers auch offenbar/wañ es nün also funden ist/erhalten vnd geheyliget/so müß in dē nachfolgen/ gleich wie Christus sein leiden hat getragen gantz vnd gar vmb sunst/nit im/sonder vns. Also müstu auch thün/ vñ im nachfolgen/gantz vnd gar vmb sunst leiden/vnd nit einschalckthafftig aug haben/nit mit gerucht/das dich gott darumb preisen soll/sonder den nechsten zū lieben/das das Euangelion vffküme/das man dir nachfolge/vnd ein ein güt eyempel nem/also müß es in der liebe daher geen. Das ist nün von dem heyligen creütz gesagt/nün vffs Euangelium.

Thionach folgen.

die schrift teilt sich in zwey teyl.

was gott mit dē gefetz vövnß fordert.

Ich hab eüwer lieb oft gesagt/das die gantz gschrift sich teylt in zwey teyl/ins gesätz vnd das Euangelion. Das gesätz ist/das da sūrgibt was man thün soll. Das Euangelion/das wa mans nemen soll. Dann es ist vil ein anders wissen/was man haben soll/vnd wen mans nemen sol/gleich wañ ich in die Apotecken gee/da ist ein ander kunst zū sagen/was die krankheit sey/vnd ein ander kunst sagen was man dartzū haben soll/ das mans loß werde/so ist es hieinnen auch/das gesätz endeckt die krankheit/das Euangelium gibt die artzney/das secht jr in disem Euangelio auch/der gschriftgeleit künpt daher vnd ist des ewigen lebens begyrig/ vnd fragt wie er im thün soll/das gesätz ist. Du solt lieben gott deinen herze vß ganzē deinē hertzen/vß ganzē deinē gemüt/vß ganzen deinen krefftē. etc. Wer das allein oben hynlist/der versteet es nit/wie d hie thüt/man müß hynein geen/vñ dinnen ansehen/dañ wañ ich gott lieben soll von ganzē hertze/so istts hie bald gesält. Itē von ganz der selen/dz



## vom heyltumb.

ist/ von einer syñlicher selen/ dz ich im fleysch füle/ das ich  
lieb hab vnd empfinde/ den lieben in der gschriffte heysst  
ein solchs leben/ wie ein junger knab fült die liebe gegē ei  
ner merzen. Item von ganzen krefften/ das ist/ von allē  
glidmassen/ nūn soll ich gott lieben von ganzē hertzē/ so  
mūß mein aug kein zornigen blick thūn/ mein zung kein  
zornig wort/ mein füß/ hend/ oren/ allzumal eins sein/ das  
Breyt sich heraus in die glidmassen/ das ist nūn so vil ge  
sagt. Du solt gott liebē von ganzē deinē hertzen/ also dz  
all dein leib/ von der scheytel bis vff die solen/ jñwendig  
vnd vßwendig daher gee in liebe/ vnd lust hab zū gott/  
vnd in ere. Nūn gebt mir einē menschē/ der vß lust/ lieb  
keusch/ frum sey/ der ist keiner vff erdē/ wir sindē vns vil  
meer geneygt zū zorn/ haß/ neyd/ zū weltlicher wollustig/  
keit. Nūn wan ich in d̄ neygung sind in mir ein süncklin/  
so ist bald falsch/ so ist dē gesatz nit genügsam geschēhē/  
wa sind ich nit allein ein süncklin/ sonder ein ganzē bach  
offen voll feüwrs der bösen neygung/ dan es ist kein lieb  
im hertzē/ in keinē glid auch nit/ darüb sind ich in dē spie/  
gel hie/ das alles was an mir ist/ verdampft vñ vermale  
deyet ist/ dan es mūß kein spitzlin vō gesatz vergeen/ son  
der es mūß alles erfüllt sein/ wie hie steet. Nūn dz findstu  
in dir nit/ dz du also thust mit allen glidmassen vnd gan  
zem hertzē/ mit freud vnd lust/ darüb bist verdampft vñ  
des teüfels/ da wisse dich eben nach zū richten/ dadurch  
müßtu nūn dahyn künmen/ dz du sagst/ dz du des teüfels  
eygē seyest/ vñ wan du nit meer wistest so müßtu verder  
ben/ so ist dz die ein küst/ das gesatz dz da lert/ dz wir ver  
dāpt sind/ den dise böse lüst findē wir all an vns/ vñ sollē  
doch kein süncklin dauō habē. Dz habē nūn vnser sophi  
ste nit angesehen/ sond̄ gelet/ wen mā thū nach vermögē/

Bosheit  
der natur.

verfürisch  
Sophistē.



## Martinus Luther.

Kloster.

so gebe gott die genad/das seind blindeleyter/vnd sie geben danocht selbst zu/das der mensch seer vnlustig sey zum guten/noch danocht so er hyn geet vnd thut es/wie wol mit beschwern/vnlust vn̄ tragkeit/so sey er danocht wol daran/darüb waren sie allein vmb der sünd willen/des teüfels/todts vnd helle wort/dan̄ Christus leert hie das widerspil/das wir mit lust vnd lieb hyngeen/vnd leichtfertig dartzu sind. Nun wem wölt jr billicher glauben/Christo oder den sophisten/das stelle ich eüch heym/damit seind hindennach die klöster herkommen/da ist man hynein gangen/das/wan̄ man dinnen wer/wie vnlustig es geschich/so würd man selig. Also haben sie gelehert. Nun will Christus haben/man soll mit lust werck thun/darumb so es beschicht mit beschwernuß des gewissens/so ist es sünd/darüb drüt nur ab vō diesem werck darumb solten sie also gesagt haben. Sichstus mensch du arme verdampfte creatur/du solt lust haben zu gotts gesatz/vnd bist vnlustig/darumb gib her lust vnd lieb/oder biß gottes seyend/vnd des teüfels freünd. Also werden die leüt sein abgefallen von eygner vermessenheit/vnd kommen zu eygner erkantniß/so hetten sie dan̄ gesagt. O gott so bin ich verdampft. Ja das wer recht gewest. Darüb secht/so sind wir allzumal des teüfels/wie lang wir finden die vnlust in vns/also werffen kecklich von eüch/jr findent dan̄ lust vnd liebe im hertzen. Darumb wan̄ ichs sagen solt/so sind ich wol was recht ist in gots gebott/aber es ist mein tod/vnd wan̄ es kündt sein/so wölt ich das es nit were/also seind alle leüt im hertzen so hetten wirs/das haben auch frey die Sophisten vffgehabt vnd gesagt/man sols thun/wie wollustig es geschich/so sey es gnüg. Secht da ist gantz gottes gebott



## vom heyltumb.

vffgehaben. Nün Sensus heyst der syñ/ vnd ein gute meynung/ dan wañ ich nün gleich liebe von ganzē herzen/ so hab ich dennoch gnügsam zū schaffen/ das das vß einer guten meynung vnd syñ geschicht. Dann den syñ vnd gute meynung verruckt vns der teüfel gar gern. Also ist die erhebung des Creüts in guter meynung geschehen/ noch ist sein lauter mißbrauch geraden.

Nün kumpt das ander stuck/ das ist das Euangelii Das Euangelion.  
Das sagt den trost vnd leert das heyl/ darnebē wa wirs nemē sollen/ das das gesätz erfüllet/ wañ ich nün so sehe/ das ich ein verdampft mensch sey durchs gesätz/ lig ver/ und da vnder den raubern halb todt/ der teüfel hatt die seel beraubt/ vnd weg genommen in Adam vnd Euallen glauben/ alle gerechtigkeit/ vnd hatt nichts da gelassen/ wann allein das leiblich leben/ das verlaßt auch bald/ da kummen dan her die Leuten vnd priester/ das seind die menschlichen genüg thün/ die lernen das vnd das/ aber es hilfft nichts/ die geen vorüber. Aber wann der Samaritan kumpt/ der hilfft/ das ist/ wañ Christus kumpt/ vnd heüt vns sein Barmherzigkeit an/ vn sagt. Sich du bist das schuldig/ du soltest gott liebē vō ganzem deinem hertzen/ das thüstu nit/ nün glaub an mich ich wil dir mein leben schenckē/ das hilfft mich. Da legt er mich vff sein thier/ das ist/ vff sich selbs/ vnnd bringt mich in die herberge/ das ist/ in die Christliche kirch/ da kumpt er dan her/ vnd geüßt mir dan sein gnad yn/ das ist das öle/ das ich füle/ das ich im vff den rucken leg/ dz macht mich dan feyn lustig vnd geschickt im gewissen/ darnach auch wein der den alten Adam danocht durch beisse vnd dempff/ darnach so bin ich danocht nit gätz gesundt/ die gesundtheit ist wol eingossen vnd angefan



## Martinus Luther.

gen/ist aber noch nit ganz vollkōmlich/ da pflēgt Chri-  
stus mein/ vnd reyniget mich durch die eingoßne gnad/  
das ich von tag zū tag reynere/ keüschere/ milder/ sensu-  
tiger vnd glaubiger werd/ so lang biß ich so ganz gestirb/  
so würd ich dan ganz vollkōmlich. Also wann wir nūn  
für gott den vatter kumen vñ werden gefragt ob wir  
auch gott glaubt vnd geliebt habē/ da dritt dan der Sa-  
maritan her/ der her: Christus der hatt vns vff seiner  
thür ligen/ vñ sagt. Ach vatter/ ob sie es gleich nit ganz  
erfüllet haben/ so hab ichs dannoch gethon/ das laß im  
zū gūt kumen/ dieweil sie an mich glauben. Also müssen  
alle heyligen/ wie heylig/ wie frum sie sind/ Christo vff  
die thür ligen. Nūn habē die aller heyligsten leüt/  
als priester vnd Leuiten/ dem gesatz nit genūg  
mögen thūn/ vnd wir wōllen vns vnder  
steen hiemit vnsern etlichen werckē/  
als mit blattē vnd kappen das  
erfüllen. O des ellenden  
verderbtē wesens.  
Amen.

























